

令示

大總統令內務部取消暫行報律文

昨據上海報界俱進會及各報館電稱接內務部電詳定暫行報律三章報界全體萬難承認請轉飭部知照等語案言論自由各國憲法所重善從惡改古人以爲常師自非專制淫威從無過事摧抑者該部所布暫行報律雖出補偏救弊之苦心實味先後緩急之要序使議者疑滿清鉗制輿論之惡政復見於今甚無謂也又民國一切法律皆當由參議院議決宣布乃爲有效該部所布暫行報律既未經參議院議決自無法律之效力不得以暫行二字謂可從權辦理尋三章條文或爲出版法所必載或爲國憲所應稽無取特立報律反形裂缺民國此後應否設置報律及如何訂立之處當俟國民議會決議勿遽亟亟可也除電復上海各報外合行令仰該部知照此令

財政部批李祖慶請就蘇省銅元局鼓鑄銀幣擬具章程候鑒核呈

呈悉本部正在統籌全局整理幣制以期劃一所請就蘇省銅元局鼓鑄銀幣一節碍難照准此批

財政部批江北各屬代表張含章等籌設商辦銀行呈

呈悉所請在清江浦設立商辦銀行以維持市面事屬可行其速將章程擬就呈部檢核惟前行紙幣事關重大應俟銀行條例規定後再行批答此批

財政部批江蘇山陽公民魯楨擬辦江北造幣廠並抄粘原稟教令請

立案呈

呈悉查濫鑄銅元乃前清弊政之一民國初建正擬整理幣制以期劃一所謂開辦江北造幣廠鼓鑄銅元一節碍難照准此批

財政部批江北商界代表張秉璜等擬鑄銅幣以救財政奇窘懇准委

任承辦呈

稟悉查濫鑄銅元乃前清弊政之一民國初建正擬整理幣制以期劃一况造幣之權應歸國有非商人所能承辦所請承辦鑄銅幣一節碍難照准此批

內務部批趙恩溥等請私立花柳檢查醫院呈

具呈已悉檢查娼妓事屬國家衛生行政範圍非私人資格所得執行本部已安定規則

不日施行所請立案萬難照准至云由江甯巡警總局批准在案一節業由本部令知江甯巡警總監取消仰即遵照此批

內務部令南京巡警總監取消批准私立花柳檢查醫院及以私人假用公產文

爲令知事據趙恩溥等私自設立娼妓檢查醫院呈請立案真中聲稱已由江甯巡警總局批准在案云云查檢查娼妓事屬國家衛生行政範圍斷無許其以私人資格執行檢查之理業由本部批斥外仰貴總監迅即將前批取消以免擾亂治安而重行政法權又據所呈花柳檢查醫院簡章第四條稱暫假准清橋東前清布理問署爲檢查治療辦公之處一節查前清官衙公署均爲國家公產以私人資格擅行假用萬難照准所謂暫假究由何人允許抑欲私自侵占仰即查明呈復如該團體業經移入著即飭令遷出以昭慎重公產之至意切切此令

內務部批公民俞乃績條陳禁烟必先禁種呈

呈悉所陳極是掃除烟毒必先禁民間私種鴉粟誠爲正本清源之策本部早已籌及俟

妥定辦法即當實行也此批

內務部批醫生傅春帆設立醫學研究會並請指撥公產呈

呈悉研究醫學自是當今要圖惟醫與藥不可混而爲一須分別研究方能抉其精微探其奧妙所謂用志不紛乃凝於神也所請指撥產業一節查地方閒散公產未經地方議會公決者本部礙難指撥暫無庸議至所設之醫學研究會准予立案并給與證明書一帶仰即認真研究以期精益求精本部實有厚望焉此批

紀事

財政部請飭各部院迅將三月份支出款項依式填注以便彙編概算

書呈

財政總長陳錦濤據會計司案呈本月三日第二十八號臨時政府公報內載財政部呈請通飭各部造送三月份支出概算書交由本部添具收入概算書彙送參議院文一件據此查內務部陸軍部參謀部教育部司法部實業部法制院衛戍總督府等應造三月份支出概算書迄今尙未造送到部本司急待彙編因即擬就此項概算書式發送各部以便照填等因准此查概算書爲將來預算之基礎現距送院核議之期已迫理合據情呈請飭下未送各部院查照迅將三月份支出款項依式填注如限送部俾便彙編而歸

按右列各項均須分人數額給總數說明四項列填如有工監工師通事等名目可依

次添入

(乙)廳費項下共計銀元若干

(一)職員火食 (職員人數) (每人月費) (共計金額) (說明)

(二)僕役工食 (僕役人數) (每人月給) (共計金額) (說明)

(三)添置器具

(一)添置器具(二)添購書籍(三)電燈費(四)電話費(五)雜費

(四)消耗物品

(一)紙張墨筆(二)油燭煤炭(三)報紙雜誌(四)茶水(五)雜物

(五)因公用費

(一)電報費(二)郵信費(三)印刷費(四)雜費

按右列三四五三項當依目估計並須注明估計標準

(丙)旅費項下共計銀元若干

一出差費

二調查費

三車馬費

(供本地短距離之用)

按右列三項當參酌情形酌定數目於下月據實詳細報銷

總計本部三月份支出銀元若干

按如有間接支款當依各機關逐一開列並須附添各機關之詳細預算冊式

參謀部擬改總務處爲總務廳秘書副官處爲秘書處呈

茲據本部總務處呈稱竊參謀部編制總務處之名稱此處字每於文件往來最易混淆因普通用語自稱曰敝處對稱曰貴處往往各局之自稱對稱與本處之自稱對稱以及各官廳之自稱對稱其文內皆曰貴處敝處以致公牘往來每每含混悞會今擬請改總務處曰總務廳所轄之秘書副官改稱秘書處副官處與各局之局下分科事同一律似此改訂庶足以重體制而昭畫一等因據此查所呈各節尙屬可行業經本總長批准在案爲此呈報鈞府准予立案施行此呈

臨時政府公報

紀事


第三十三號

八



臨時政府公報 附錄

中華民國元年三月九日星期六
隨報附出 不另收費



電報



萬急孫大總統鑒培等受命歡迎袁君赴甯就職前月二十七日已以此意面達袁君而袁君亦極願南行一俟擬定留守之人即可就道不期二十九夕北京兵變擾及津保連日袁君內撫各處軍民外應各國駐使恢復秩序鎮定人心其不能遽離北京不特北方人民同聲呼籲即南方聞之亦當具有同情故培等據所見聞迭電陳述茲承電示知袁君委託副總統黎君代赴南京受職是培等歡迎之目的已經消滅似應回南面陳一切謹先電聞并祈即復元培等魚

(北京來電一百〇六)

北京六國飯店蔡元培等鑒魚電悉前提議袁大總統不必南行委由副總統代赴南京惟以內外屬望至殷副總統或不能遽來仍恐有稽時日昨提出參議院經院決議電允袁總統在北京受職是黎副總統來甯代表一節可以取消惟袁總統得參議院電復

可之日舉行儀式應由專使等代表民國接受誓詞賁交參議院保存以昭隆重專復併請達商袁大總統孫文虞

(南京去電一百十五)

南京孫大總統參議院國務各總長各省都督同鑒此次南京特派專使來燕凱赴南京受職凱極願南行藉與諸君相見共籌國家大計惟以北方秩序需人維持正在擬議留守之人不期變生倉猝京師騷擾波及京津自維撫馭非易致使閭閻受驚殊深惶悚連日布置差幸秩序漸復人心漸安惟自經此變北方商民愈不欲凱南行函電籲留日數千起而南京政府亦鑒北事之方殷諒南行之宜緩連日籌商辦法以凱既暫難南來應請黎副總統代赴南京受職而內閣總理俟凱與孫大總統黎副總統商定其人協行提交參議院請求同意庶幾大局早定人心早安對內而謀統一對外而謀承認以完全鞏固中華民國之基礎是所深望特此電聞袁世凱魚

北京來電一百十六

北京袁大總統鑒魚電悉支日因專使來電知公不能刻日南行故有商請黎副總統到甯代公受職之電同日接各界來電期望至殷言之迫切因恐黎副總統鎮守武昌不能遽來仍稽時日是以將專使要求各條提交參議院當經院議決公在北京受職其辦法

六條除由參議院電知外今日一再電專使轉達尊處請黎副總統代行一節可以取消尤望即依參議院所開手續正式受職速電國務總務總理員名俾參議院同意刻日派遣來甯接收交代早定大局無任切盼孫文陽

(南京去電一百十二)

武昌黎副總統鑒聞軍界各同志與軍務部部長孫武起衝突經副總統令孫武辭職而論者依然不靖且有購擊之說按前武昌軍務部長孫武奔走光復之事累年此次武昌起義厥功甚著縱使行事用人或有偏頗而解職以去用避賢路副總統可謂持之平允矣至謂孫武有何罪狀則當由副總統正式宣布豈容蜚語四出極其所之致使望門投止狀類逋逃文以爲甚非所以待有功者之道敬請副總統爲各界告戒無傷同氣無害功能天下幸甚孫文叩虞

(南京去電一百十四)

南京臨時政府總統前在奉被拘禁十九人僅陽歷二月東督釋放二人其餘十七人仍在獄內務祈速即電致東督以全生命云黃貴電

(奉天來電一百〇七)

孫大總統各部總次長參議院武昌黎副總統各省都督各軍司令鈞鑒今日疊接京津各電據稱北京已平靜秩序漸復使館衛兵增至二千自江日頒布軍律正法甚衆洋兵

亦整隊出巡入夜禁備尤嚴搶案於是絕迹南京代表四人即日回南京津亂兵已向正定滄州一帶竄掠英兵調往豐台者陸續遣回天津京中電線已通開保府此次蹂躪頗甚府南電綫尙未修復不知消息昨聞因改政起闕現已平靜各省均安請勿塵念陳其美叩歌

(上海來電二百〇八)

孫大總統參議院均鑒國都及臨時政府地點應在北其理由早經各報暨莊都督詳細說明卽旅北商民亦公電贊同因日久相持人心不定致肇京津保定之變商業損失益巨倘再遷延易啓外人干涉良用危懼務懇迅賜協商允妥亟就北京組織完全政府建定國都以期南北統一系列早日承認庶幾內政外交均易措手民國幸甚申報新聞報時報神州報時事新報民立報天鐸報愛國報民報大共和報民聲報公叩

(上海來電二百〇九)

孫大總統黃陸軍部長黎副總統各都督各軍司令各報館鑒綸濫叨准上軍司令名義於事實毫無裨補又蒙本省都督委任皖北關務自問均不勝任卽請孫都督取消司令專意關務冀蘇商困而裕餉源未蒙允准但近數月來精疲力竭甚難支持軍事重要萬

不敢負虛名關務現正調查俟得要領卽詳細報告一面退歸田里皖北荒歉連年凋敝已極關事完竣擬赴滬切懇華洋義賑會撥款振濟爲桑梓請命再效馳驅待二麥登場年豐物阜卽長作共和國民而享全國志士仁人所賜之幸福敢佈區區伏祈鑒察張綸叩冬

(淮北正陽關來電一百十)

南京大總統鑒墨再亂全省告急華僑險極現美總統電飭美人返國請速設法保護墨國駐架連埠全體華僑叩

(墨西哥來電一百十二)

南京大總統鑒墨再亂勢甚熾僑民危險極請設法保護墨國加蘭姐埠商工會全體叩

(墨西哥來電一百十三)



告白

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

外交部廣告

本部於三月二日遷鼓樓前獅子橋所有電報公文各項函件希按址投遞爲盼

陸軍部廣告

本部王春輔於三月一日往演武廳辦公遺失本部通行證銅牌一塊他人檢得作爲無效特此通告

教育部收買古籍廣告

本部現擬籌設中央圖書館應儲書籍甚多各處如有古籍願出售者除星期外請於每日下午三時至五時持樣本至南京碑亭巷本部接洽如合意者本部當給以相當價值

內務教育二部爲丁祭事會同通告各省電

湖北黎副總統各省都督及督撫鈞鑒本部高等以上各學校規程尙未頒布各地方高等以上學校應令暫照舊章辦理惟大清會典大清律例皇朝掌故國朝事實及其他有碍民國精神暨非各學校應授之科目宜一律廢止此外關於前清御批等書一律禁止濫用希即宣布施行教育部冬

教育部禁用前清各書通告各省電

湖北黎副總統暨各省都督各督撫公鑒本部近接浙江民政司長電稱文廟丁祭應否舉行禮式祭服如何其餘前清各祀典應否照辦迭據各屬請頒典禮應歸統一敝省未便擅擬請電照遵等因據此查民國通禮現在尙未頒行在未頒以前文廟應暫時照舊致祭惟除去拜跪之禮改行三鞠躬祭服則用便服其餘前清祀典所載凡涉於迷信者應行廢止惟各地所祀者不盡同請由本省議會議決存廢事關全國爲此通電貴省卽祈轉飭所屬查照辦理內務部教育部鑒

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷詠良用慙焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

教育部通告

本部現因學校令尙未頒布故於辦理學校之人到部呈請立案者一概從緩批准誠恐

外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆

言定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡載登本報者公文未到以本
報到後爲有效
- 六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日

常州大街老王大昌

無錫光復門內新橋二十一號曾瑞武

蘇州城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

民立報分館

蕪湖 中國日報

廣州 軍事報

香港 民意報

天津 大同報

舊金山 中西報

少年報

檀香山 自由新報

印刷所 臨時政府印鑄局工廠